

唐

詩

選

唐詩選卷之七目

七言絕句

王勃

蜀中九日

杜審言

渡湘江

贈蘇綰書記

戲贈趙使君美人

劉廷琦

銅雀臺

沈佺期

邛山

宋之問

送司馬道士遊天台

張說

送梁六

王翰

涼州詞

李白

清平調詞

三首

客中行

峨眉山月歌

上皇西巡南京歌

二首

聞王昌齡左遷龍標尉遙有此寄

黃鶴樓送孟浩然之廣陵

陪族叔刑部侍郎曄及中書舍人賈至

遊洞庭湖

望天門山

早發白帝城

秋下荊門

蘇臺覽古

越中懷古

與史郎中欽聽黃鶴樓上吹笛

春夜洛城聞笛

王昌齡

春宮曲

西宮春怨

西宮秋怨

長信秋詞

青樓曲

閨怨

出塞行

從軍行

三首

梁苑

芙蓉樓送辛漸

送薛大赴安陸

送別魏三

盧溪別人

重別李評事

王維

少年行

九月九日憶山中兄弟

與盧員外象過崔處士興宗林亭

送韋評事

送沈子福之江南

賈至

春思 二首

西亭春望

初至巴陵與李十二白同泛洞庭湖

送李侍郎赴常州

岳陽樓重宴別王八員外貶長沙

岑參

封大夫破播仙凱歌 二首

首着絳寄家人

張謂

題長安主人壁

送人使河源

王之渙

涼州詞

九日送別

蔡希寂

洛陽客舍逢祖咏留宴

矢象之

少年行

張潮

江南行

嚴武

軍城早秋

李華

春行寄興

劉長卿

重送裴郎中貶吉州

送李判官之潤州行營

錢起

歸鴈

韋應物

登樓寄王卿

酬柳郎中春日歸揚州南國見別之作

皇甫冉

送魏十六還蘇州

曾山送別

韓翃

寒食

送客知鄂州

宿石邑山中

李端

送劉侍郎

張繼

楓橋夜泊

顧況

聽角思歸

宿昭應

湖中

戴叔倫

夜發袁江寄李潁川劉侍郎

包何

寄楊侍御

李益

汴河曲

聽曉角

夜上受降城聞笛

從軍北征

劉禹錫

楊柳枝詞

與歌者何戡

浪淘沙詞

自朗州至京戲贈看花諸君子

張籍

涼州詞

王建

十五夜望月

武元衡

送盧起居

嘉陵驛

張仲素

漢苑行

塞下曲

二首

秋閨思

羊士諤

郡中卽事

登樓

柳宗元

酬浩初上人欲登仙人山見貽

歐陽詹

題延平劍潭

元稹

聞白樂天左降江州司馬

張祜

胡渭州

雨淋鈴

虢夫人

賈島

度桑乾

王表

成德樂

李商隱

漢宮詞

夜雨寄北

寄令狐郎中

許渾

秋思

趙嘏

江樓書感

溫庭筠

楊柳枝

段成式

折楊

司馬禮

宮怨

張喬

宴邊將

李拯

退朝望終南山

崔魯

華清宮

韋莊

古別離

李延勳

宮詞

張子容

水調歌第一疊

涼州歌第二疊

水鼓子第一曲

陳祐

雜詩

無名氏

初過漢江

胡笳曲

王烈

塞上曲

二首

張敬忠

邊詞

張諤

九日宴

樓穎

西施石

盧弼

和李秀才邊庭四時怨

二首

崔敏童

宴城東莊

崔惠童

奉和同前

王周

宿疎帔驛

釋皎然

塞下曲

釋靈一

僧院

唐詩選卷之七

濟南李攀龍選評



太原王穉登叅評

七言絕句

王勃

蜀中九日

九。月。九。日。望。鄉。臺。他。席。他。鄉。送。客。杯。人。情。已。厭。
南。中。苦。鴻。鴈。那。從。北。地。來。

數前篇末二句
意相似配偶處
對而不對不判
而對佳

紅粉燕支巧石
應帶

杜審言

渡湘江

遲日園林悲昔遊。今春花鳥作邊愁。獨憐京國
人。南竄不似湘江水。北流。

贈蘇綰書記

知君書記本翩翩。爲許從戎赴朔邊。紅粉樓中
應計日。燕支山下莫經年。

戲贈趙使君美人

紅粉青娥映楚雲。桃花馬上石榴裙。羅敷獨向
東方去。謾學他家作使君。

劉廷琦

銅雀臺

銅臺宮觀委灰塵。魏主園陵漳水濱。卽今西望
猶堪思。況復當時歌舞人。

沈佺期

印山

北邙山上列墳塋。萬古千秋對洛城。城中日夕歌鐘起。山上惟聞松柏聲。

宋之問

送司馬道士遊天台

羽客笙歌此地違。離筵數處白雲飛。蓬萊闕下長相憶。桐栢山頭去不歸。

張說

送梁六

中但言思遠
別意自具矣
秋水之思當
別後意耳

意遠乃得真

巴陵一望洞庭秋。日見孤峰水上浮。聞道神仙不可接。心隨湖水共悠悠。

王翰

涼州詞

葡萄美酒夜光杯。欲飲琵琶馬上催。醉臥沙場君莫笑。古來征戰幾人回。

李白

清平調詞

想
妙難
形容

雲想衣裳花想容。春風拂檻露華濃。若非羣玉
山頭見。會向瑤臺月下逢。

二

一枝濃艷露凝香。雲雨巫山枉斷腸。借問漢宮
誰得似。可憐飛燕倚新粧。

三

名花傾國兩相歡。常得君王帶笑看。解釋春風
無限恨。沉香亭北倚闌干。

乃其本相飲仕

四漢題意只此
好意說有作

客中行

蘭陵美酒鬱金香。玉_{下格}梳盛來琥珀光。但使主人
能醉客。不知何處是他鄉。

峨眉山月歌

峨眉山月半輪秋。影入平羌江水流。夜發清溪
向三峽。思君不見下渝州。

上皇西巡南京歌

誰道君王行路難。六龍西幸萬人歡。地轉錦江

宋句結上皇少
帝兩意萬妙

宋二句寫情

成渭水天迴玉壘作長安。

二

劍閣重關蜀北門。上皇歸馬若雲屯。少帝長安
開紫極。雙懸日月照乾坤。

聞王昌齡左遷龍標尉遙有此寄

楊花落盡子規啼。是北風事。聞道龍標過五溪。我寄愁心
與明月。隨風直到夜郎西。

黃鶴樓送孟浩然之廣陵

送別之作
在
何中書卷

與白雲明月
相映發

故人西辭黃鶴樓。烟花三月下揚州。孤帆遠影
碧空盡。唯見長江天際流。

陪族叔刑部侍郎曄及中書舍人賈至遊
洞庭湖

洞庭西望楚江分。水盡南天不見雲。日落長沙
秋色遠。不知何處弔湘君。

望天門山

天門中斷楚江開。碧水東流至北迴。兩岸青山

相對出孤帆。一片日邊來。

早發白帝城

朝辭白帝彩雲間。千里江陵一日還。兩岸猿聲啼不住。輕舟已過萬重山。

秋下荆門

霜落荆門江樹空。布帆無恙挂秋風。此行不爲鱸魚膾。自愛名山人剡中。

蘇臺覽古

結句與衛青吳宮詞同

舊苑荒臺楊柳新。菱歌清唱不勝春。只今惟有西江月。曾照吳王宮裏人。

越中懷古

越王句踐破吳歸。義士還家盡錦衣。宮女如花滿春殿。只今惟有鷓鴣飛。

與史郎中欽聽黃鶴樓上吹笛

一爲遷客去長沙。西望長安不見家。黃鶴樓中吹玉笛。江城五月落梅花。

無限傷情笛裏吹來詩中寫出

看他下字下句
鍊鍊工妙

春夜洛城聞笛
誰家玉笛暗飛聲。散入春風滿洛城。
此夜曲中聞折柳。何人不起故園情。

王昌齡

春宮曲

昨夜風開露井桃。
未央前殿月輪高。
平陽歌舞新承寵。
簾外春寒賜錦袍。

西宮春怨

如注如新令人
欲飽

西宮夜靜百花香。欲捲珠簾春恨長。斜抱雲和
深見月。朧朧樹色隱昭陽。

西宮秋怨

芙蓉不及美人妝。水殿風來珠翠香。却恨含情
掩秋扇。空懸明月待君王。

長信秋詞

真成薄命久尋思。夢見君王覺後疑。火照西宮
知夜飲。分明複道奉恩時。

影響隱然有聲

不知忽見悔教
有轉折長章法

味句出人不覺

青樓曲

白馬金鞍從武皇。旌旗十萬宿長楊。樓頭少婦
鳴箏坐。遙見飛塵入建章。

閨怨

閨中少婦不知愁。春日凝妝上翠樓。忽見陌頭
楊柳色。悔教夫壻覓封侯。

出塞行

白草原頭望京師。黃河水流無盡時。秋天曠野

三首各用一意
括

行人絕馬首東來知是誰

從軍行

烽火城西百尺樓。黃昏獨坐海風秋。更吹羌笛
關山月。無那金閨萬里愁。

二

青海長雲暗雪山。孤城遙望玉門關。黃沙百戰
穿金甲。不破樓蘭終不還。

三

生遮田此詩安
能句中第一元
美以有意無去
可解不可解極
是

情景宛然
送客有此一法
者

秦時明月漢時關萬里長征人未還但使龍城
飛將在不教胡馬度陰山

梁苑

梁園秋竹古時烟城外風悲欲暮天萬乘旌旗
何處在平臺賓客有誰憐

芙蓉樓送辛漸

寒雨連江夜入吳平明送客楚山孤洛陽親友
如相問一片冰心在玉壺

北游安陸追述

送薛大赴安陸

津頭雲雨暗湘山。遷客離憂楚地顏。遙送扁舟
安陸郡。天邊何處穆陵關。

送別魏三

醉別江樓橘柚香。江風引雨入船涼。憶君遙在
湘山月。愁聽清猿夢裏長。

盧溪別人

武陵溪口駐扁舟。溪水隨君向北流。行到荆門

當曉入下莫將
二字其思愈遠

援字与隨字秀
照應是句眼

上三峽莫將孤月對猿愁。

重別李評事

莫道秋江離別難。舟船明日是長安。吳姬緩舞
留君醉。隨意青楓白露寒。

王維

少年行

出身仕漢羽林郎。初隨驃騎戰漁陽。孰知不向
邊庭苦。縱死猶聞俠骨香。

少年場中語太
白假托俠骨香
不情世上英已
與此同
句眼在
玉處曰俠骨香

兄弟慮想來便
遠少一人正應
獨字

何等光景

而種情思估做
一堆

九月九日憶山中兄弟

獨在異鄉爲異客。每逢佳節倍思親。遙知兄弟
登高處。遍插茱萸少一人。

與盧員外象過崔處士興宗林亭

綠樹重陰蓋四隣。青苔日厚自無塵。科頭箕踞
長松下。白眼看他世上人。

送韋評事

欲逐將軍取右賢。沙場走馬向居延。遙知漢使

別送寒涼情殊
暢然
相送之情隨春
色所之何其遠
至

不去故惹句法
字法皆妙

蕭關外。愁見孤城落日邊。

送沈子福之江南

楊柳渡頭行客稀。罨師盪漿向臨圻。唯有相思
似春色。江南江北送春歸。

賈至

春思

草色青青柳色黃。桃花歷亂李花香。東風不爲
吹愁去。春日偏能惹恨長。

唐漢為北故下
三句俱用漢事

他人只說國恩
已足此更添一
層

二

紅粉當壚弱柳垂。金花醵酒解酴醪。笙歌日暮
能留客。醉殺長安輕薄兒。

西亭春望

日長風煖柳青青。北鴈歸飛入窅冥。岳陽城上
聞吹笛。能使春心滿洞庭。

初至巴陵與李十二白同泛洞庭湖

楓岸紛紛落葉多。洞庭秋水晚來波。乘興輕舟

無。近。遠。白。雲。明。月。弔。湘。娥。

送李侍郎赴常州

雪。晴。雲。散。北。風。寒。楚。水。吳。山。道。路。難。今。日。送。君。
須。盡。醉。明。朝。相。憶。路。漫。漫。

岳陽樓重宴別王八員外貶長沙

江。路。東。連。千。里。潮。青。雲。北。望。紫。微。遙。莫。道。巴。陵。
湖。水。濶。長。沙。南。畔。更。蕭。條。

岑參

又添一意
漫長

孤意怆真

前首意在此後
首意在後各有
巧思

封大夫破播仙凱歌

漢將承恩西破戎。捷書先奏未央宮。天子預開
麟閣待。祇今誰數貳師功。

二

日落轅門鼓角鳴。千羣面縛出蕃城。洗兵魚海
雲迎陣。秣馬龍堆月照營。

首蓿烽寄家人

首蓿烽邊逢立春。胡蘆河上淚沾襟。閨中只是

空相憶不見沙場愁殺人

玉關寄長安李主簿

東去長安萬里餘故人那惜一行書
玉關西望腸堪斷況復明朝是歲除

逢入京使

故園東望路漫漫雙袖龍鍾淚不乾
馬上相逢無紙筆憑君傳語報平安

磧中作

今日明朝遂為
送別常語

情景在眼前

忙到日川事止
急備守川也

走馬西來欲到天。辭家見月兩回圓。今夜不知
何處宿。平沙萬里絕人烟。

號州後亭送李判官使赴晉絳得秋字

西原驛路掛城頭。客散江亭雨未休。君去試看
汾水上。白雲猶似漢時秋。

送人還京

匹馬西從天外歸。揚鞭只共鳥爭飛。送君九月
交河北。雪裏題詩淚滿衣。

赴北庭度隴思家

西向輪臺萬里餘。也知鄉信日應疎。隴山鷄鵲能言語。爲報家人數寄書。

酒泉太守席上醉後作

酒泉太守能劍舞。高堂置酒夜擊鼓。胡笳一曲斷人腸。坐客相看淚如雨。

送劉判官赴磧西

火山五月行人少。看君馬去疾如鳥。都使行營

玉遜曰後二句
與少婦不知止
因恨隔江猶唱
後庭花語意相
似

太白西角聲。一動胡天曉。

山房春事

梁園日暮亂飛鴉。極目蕭條三兩家。庭樹不知
人去盡。春來還發舊時花。

儲光義

寄孫山人

新林二月孤舟還。水滿清江花滿山。借問故園
隱君子。時時來往住人間。

杜甫

贈花卿

錦城絲管日紛紛。半入江風半入雲。此曲祇應
天上有人間能得幾回聞。

重贈鄭鍊

鄭子將行罷使臣。囊無一物獻尊親。江山路遠
羈離日。裘馬誰爲感激人。

奉和嚴武軍城早秋

秋風嫋嫋動高旌。玉帳分弓射虜營。已收滴博
雲間戍。欲奪蓬婆雪外城。

解悶

一辭故國十經秋。每見秋瓜憶故丘。今日南湖
采薇蕨。何人爲覓鄭瓜州。

書堂飲旣夜復邀李尚書下馬月下賦

湖上林風相與清。殘尊下馬復同傾。久拚野鶴
如雙鬢。遮莫隣雞下五更。

玉應曰求句惟
潭止當修武格
文意

常建

塞下曲

玉帛朝回望帝鄉。烏孫歸去不稱王。天涯靜處
無征戰。兵氣銷爲日月光。

二

北海陰風動地來。明君祠上望龍堆。觸髓盡是
長城卒。日暮沙塲飛作灰。

送宇文六

花映垂楊漢水清。微風林裏一枝輕。卽今江北還如此。愁殺江南離別情。

三日尋李九莊

雨歇楊林東渡頭。永和三日盪輕舟。故人家在桃花岸。直到門前溪水流。

高適

九曲詞

鐵馬橫行鐵嶺頭。西看邏迤取封侯。青海只今

將飲馬。黃河不用更防秋。

除夜作

旅館寒燈獨不眠。客心何事轉淒然。故鄉今夜思千里。霜鬢明朝又一年。

塞上聞吹笛

雪淨胡天牧馬還。月明羌笛戍樓間。借問梅花何處落。風吹一夜滿關山。

別董大

憶離悲

十里黃雲白。日。曛。北。風。吹。雁。雪。紛。紛。莫。愁。前。路。
無。知。已。天。下。誰。人。不。識。君。

孟浩然

送杜十四之江南

荆吳相接水爲鄉。君去春江正淼茫。日暮孤舟
何處泊。天涯一望斷人腸。

李頎

寄韓鵬

爲政心閒物自閒。朝看飛鳥暮飛還。寄書河上
神明宰。美爾城頭姑射山。

崔國輔

九日

江邊楓落菊花黃。少長登高一望鄉。九日陶家
雖載酒。三年楚客已霑裳。

張謂

題長安主人壁

幾切世情

句法用素與日
暮孤舟何處相
似

是涼州詞

世人結交須黃金。黃金不多交不深。縱令然諾
暫相許。終是悠悠行路心。

送人使河源

故人行役向邊州。匹馬今朝不少留。長路關山
何日盡。滿堂絲竹爲君愁。

王之渙

涼州詞

黃河遠上白雲間。一片孤城萬仞山。羌笛何須

怨楊柳春光不度玉門關。

九日送別

薊庭蕭瑟故人稀。何處登高且送歸。今日暫同
芳菊酒。明朝應作斷蓬飛。

蔡希寂

洛陽客舍逢祖咏留宴

綿綿鐘漏洛陽城。客舍平居絕送迎。逢君買酒
因成醉。醉後焉知世上情。

吳象之

少年行

分 現在潭溪縣三
承恩借獵小平津。使氣常遊中賚人。一擲千金
渾是贍家無四壁。不知貧。

張潮

江南行

正題曰無暇代
茨菰葉爛別西灣。蓮子花開猶未還。妾夢不離
江上水。人傳郎在鳳凰山。

嚴武

軍城早秋

昨夜秋風入漢關。朔雲邊月滿西山。更催飛將追驕虜。莫遣沙場匹馬還。

李華

春行寄興

宜陽城下草萋萋。澗水東流復向西。芳樹無人花自落。春山一路鳥空啼。

玉蓮曰暫飛二字乃兩信

玉蓮曰未二語即發殊妙然

孤化

宿石邑山中

浮雲不共此山齊。山藹蒼蒼望轉迷。曉月暫飛。千樹裏。秋河隔在數峰西。

李端

送劉侍郎

幾人同入謝宣城。未及酬恩隔死生。唯有夜猿。知客恨。嶧陽溪路第三聲。

張繼

願不言難為聽

此信亦可斷腸
足見其胸之飽

楓橋夜泊

月落烏啼霜滿天。江楓漁火對愁眠。姑蘇城外
寒山寺。夜半鐘聲到客船。

顧況

聽角思歸

故園黃葉滿青苔。夢後城頭曉角哀。此夜斷腸
人。不見起行殘月影徘徊。

宿昭應

不勝今古之感
即如字字皆情
切要

此詩特覺思

武帝祈靈太乙壇。新豐樹色繞千官。那知今夜。長生殿。獨閉空山。月影寒。

湖中

青草湖邊日色低。黃茅瘴裏鷓鴣啼。丈夫飄蕩。今如此。一曲長歌楚水西。

戴叔倫

夜發袁江寄李潁川劉侍郎

半夜回舟入楚鄉。月明山水共蒼蒼。孤猿更叫。

玉隨四起句言
同仕收結言見
非求二句言
老不能復仕多
少曲折多
慨

秋風裏。不是愁人亦斷腸。

包何

寄楊侍御

一官何幸得同時。十載無媒獨見遺。
今日莫論腰下組。請君看取髭邊絲。

李益

汴河曲

汴水東流無限春。隋家宮闕已成塵。
行人莫上

杜鵑啼血
不度

此首斷說

長堤望風起楊花愁殺人。

聽曉角

邊霜昨夜墮關榆。吹角當城片月孤。無限塞鴻飛不度。秋風吹入小單于。

夜上受降城聞笛

回樂峯前沙似雪。受降城外月如霜。不知何處吹蘆管。一夜征人盡望鄉。

從軍北征

此首應說

天○山○雪○後○海○風○寒○。橫○笛○偏○吹○行○路○難○。磧○裏○征○人○
三○十○萬○。一○時○回○首○月○中○看○。

劉禹錫

楊柳枝詞

煬○帝○行○宮○汴○水○濱○。數○株○楊○柳○不○勝○春○。晚○來○風○起○
花○如○雪○。飛○入○宮○牆○不○見○人○。

與歌者何戡

二○十○餘○年○別○帝○京○。重○聞○天○樂○不○勝○情○。舊○人○唯○有○。

苦于言情

此首都不出此

情狀在口頭

何。哉。在。更。與。殷。勤。唱。渭。城。

浪淘沙詞

鸚鵡洲頭浪颭沙。青樓春望日將斜。銜泥燕子爭歸舍。獨自狂夫不憶家。

自朗州至京戲贈看花諸君子

紫陌紅塵拂面來。無人。不。道。看。花。回。玄。都。觀。裏。桃。千。樹。盡。是。劉。郎。去。後。栽。

張籍

涼州詞

鳳林關裏水東流。白草黃榆六十秋。邊將皆承
主恩澤。無人解道取涼州。

王建

十五夜望月

中庭地白樹棲鴉。冷露無聲濕桂花。今夜月明
人盡望。不知秋思在誰家。

武元衡

應曰無聲不
字句太妙

玉遮曰路半嘉陵
句是甚言行
路難意

送盧起居

相如擁傳有光輝。何事闌干淚濕衣。
舊府東山餘妓在。重將歌舞送君歸。

嘉陵驛

悠悠風旆遶山川。山驛空濛雨作烟。
路半嘉陵頭已白。蜀門西更上青天。

張仲素

漢苑行

真後曲俱見自

回雁高飛太液池。新花低發上林枝。年光到處
皆堪賞。春色人間總未知。

塞下曲

三戍漁陽再度遼。騂弓在臂箭橫腰。匈奴似欲
知名姓。休傷陰山更射鵰。

二

朔雪飄飄開雁門。平沙歷亂捲蓬根。功名耻計
擒生數。直斬樓蘭報國恩。

秋閨思

碧窓斜月。藹深輝。愁聽寒螿。淚濕衣。夢裏分明見。關塞不知何路向金微。

羊士諤

郡中卽事

紅衣落盡。暗香殘。葉上秋光。白露寒。越女含情已無限。莫教長袖倚闌干。

登樓

玉蓮曰添字好

槐柳蕭疎遶郡城。夜添山雨作江聲。秋風南陌
無車馬。獨上高樓故國情。

柳宗元

酬浩初上人欲登仙人山見貽

珠樹玲瓏隔翠微。病來方外事多違。仙山不屬
分符客。一任凌空錫杖飛。

歐陽詹

題延平劍潭

玉蓮曰甚好

悲懷

想象精靈欲見難。通津一去水漫漫。空餘千載
凌霜色。長與澄潭白日寒。

元稹

聞白樂天左降江州司馬

殘燈無焰影幢幢。此夕聞君謫九江。垂死病中
驚坐起。暗風吹雨入寒窻。

張祜

胡渭州

此詩曰與世
以曲收聽天上
有同例

亭亭孤月照行舟。寂寂長江萬里流。鄉國不知
何處是。雲山漫漫使人愁。

雨淋鈴

雨淋鈴夜却歸秦。猶是張微一曲新。長說上皇
垂淚教。月明南內更無人。

虢夫人

虢國夫人承主恩。平明騎馬入宮門。却嫌脂粉
汗。顏色淡。掃蛾眉。朝至尊。

遠而不可見故
曰快近而可見
故曰望妙在二
字

與戴時倫夜發
東江作句法絕
相似看更字不
是字六字

賈島

度桑乾

客舍并州已十霜。歸心日夜憶咸陽。無端更渡
桑乾水。却望并州是故鄉。

王表

成德樂

趙女乘春上畫樓。一聲歌發滿城秋。無端更唱
關山曲。不是征人亦淚流。

李商隱詩集

雜詩一

李商隱

漢宮詞

青。雀。西。飛。竟。未。回。君。王。長。在。集。靈。臺。侍。臣。最。有。
相。如。渴。不。賜。金。莖。露。一。杯。

夜雨寄北

君。問。歸。期。未。有。期。巴。山。夜。雨。漲。秋。池。何。當。共。剪。
西。牕。燭。却。話。巴。山。夜。雨。時。

寄令狐郎中

掩字有魚尾見
髮而驚感升落
句憶少年如昨
而傷之句頗與
太白詩遇酒若
不見詩心明鏡
照白髮如青
絲如雪同意

嵩雲秦樹久離居。雙鯉迢迢一紙書。休問梁園舊賓客。茂陵秋雨病相如。

許渾

秋思

琪樹西風枕簟秋。楚雲湘水憶同遊。高歌一曲掩明鏡。昨日少年今白頭。

趙嘏

江樓書感

獨上江樓思渺然。月光如水水連天。同來翫月
人何處。風景依稀似去年。

溫庭筠

楊柳枝

館娃宮外鄴城西。遠映征帆近拂堤。繫得王孫
歸意切。不關春草綠萋萋。

段成式

折楊柳

上讀曰不關句
說得斷絕

首二句托喻心
年曾水月龍亦

二句隱然見孫
處非其人共
訴之意曰春盡
日黃昏又隱然
見老之將至

亦句與前首同
詞李建勳却說
知落春末
帶即講流傳到
人間

枝枝交影鎖長門。嫩色曾霑雨露恩。鳳輦不來。
春欲盡。空留鶯語到黃昏。

司馬禮

宮怨

柳色參差掩畫樓。曉鶯啼送滿宮愁。年年花落。
無人見。空逐春泉出御溝。

張喬

宴邊將

一曲涼州金石清。邊風蕭颯動江城。坐中有老
沙場客。橫笛休吹塞上聲。

李拯

退朝望終南山

紫宸朝罷綴鵷鸞。丹鳳樓前駐馬看。唯有終南
山。色在晴明依舊滿。長安。

崔魯

華清宮

中有伏虎四字
元詩眼

結有餘恨

草。遮。回。磴。絕。鳴。鑾。雲。樹。深。深。碧。殿。寒。明。月。自。來。
還。自。去。更。無。人。倚。玉。闌。干。

韋莊

古離別

晴。烟。漠。漠。柳。毵。毵。不。那。離。情。酒。半。酣。更。把。玉。鞭。
雲。外。指。斷。腸。春。色。在。江。南。

李建勳

宮詞

此詩紅紫唐人
固有此事

以上三詩賦事
而其情自見

宮門長閉舞衣閒。略識君王鬢已斑。
却羨落花春不管。御溝流得到人間。

張子容

水調歌第一疊

平沙落日大荒西。隴上明星高復低。
孤山幾處看烽火。戰士連營候鼓鼙。

涼州歌第二疊

朔風吹葉雁門秋。萬里煙塵昏戍樓。
征馬長思

青海上胡笳夜聽隴山頭

水鼓子第一曲

雕弓白羽獵初回。薄夜牛羊復下來。夢水河邊
青草合。黑山峯外陣雲開。

陳祐

雜詩

無定河邊暮笛聲。赫連臺畔旅人情。函關歸路
千餘里。一夕秋風白髮生。

無名氏

初過漢江

襄陽好向峴亭看。人物蕭條屬歲闌。爲報習家多置酒。夜來風雪過江寒。

胡笳曲

月明星稀霜滿野。羣車夜宿陰山下。漢家自失李將軍。單于公然來牧馬。

王烈

塞上曲多矣此
二首為最

說得苦寒出

塞上曲

紅顏歲歲老金微沙磧年年臥鐵衣
白艸城中春不入黃花戍上雁長飛

二

孤城夕對戍樓間迴合青冥萬仞山
明鏡不須生白髮風沙自解老紅顏

張敬忠

邊詞

玉應曰未掛絲
正是前句意

五原春色舊來遲。二月垂楊未掛絲。卽今河畔
冰開日。正是長安花落時。

張諤

九日宴

秋葉風吹黃颯颯。晴雲日照白鱗鱗。歸來得問
茱萸女。今日登高醉幾人。

樓穎

西施石

青管原已見
人正引起一
姑蘇語意

西施昔日浣沙津。石上青苔思殺人。一去姑蘇
不復返。岸傍桃李爲誰春。

盧弼

和李秀才邊庭四時怨

八月霜飛柳遍黃。蓬根吹斷雁南翔。隴頭流水
關山月。泣上龍堆望故鄉。

二

朔風吹雪透刀瘢。飲馬長城窟更寒。夜半火來

之外便有餘語
之能

知有敵一時齊保賀蘭山。

崔敏童

宴城東莊

一年始有一年春。百歲曾無百歲人。能向花前
幾回醉。十千沽酒莫辭貧。

崔惠童

奉和同前

一月主人笑幾回。相逢相值且銜杯。眼看春色

如流水。今日殘花昨日開。

王周

宿疎帔驛

秋染棠梨葉半紅。荊州東望草平空。誰知孤宦
天涯意。微雨瀟瀟古驛中。

釋皎然

塞下曲

寒塞無因見落梅。胡人吹入笛聲來。勞勞亭上

春應度。夜夜城南戰未回。

釋靈一

僧院

虎溪閒月引相過。帶雪松枝掛薜蘿。無限青山
行欲盡。白雲深處老僧多。

唐詩選卷之七終

水坑之言個人
心月

究竟殊途同歸

唐詩選附錄

統論上

詩法源流云詩者原於德性發於才情心聲不
同有如其面故法度可學而神意不可學是
以太白自有太白之詩子美自有子美之詩
昌黎自有昌黎之詩其他如陳子昂王摩詰
高岑賈至姚鄭張孟之徒亦皆各自爲體不
可強而同也

西朝詩法
是百八條上語

又云唐人以詩爲詩宋人以文爲詩唐詩主於達性情故於三百篇爲近宋詩主議論故於三百篇爲遠。

又云古詩徑叙情實去三百篇爲近律詩牽於對偶去三百篇爲遠此詩體之正變也自選體以上皆純乎正唐陳子昂李太白韋應物之詩猶正者多而變者少杜子美則正變相半變體雖不如正體之自然而音律乃人聲

之所同。對偶亦文勢之必有。如子美近體佳處。前無古人。亦何惡於聲律哉。

河南元稹云。唐興學官。大振歷世之文能者。互出而又沈宋之流。研練精切。穩順聲勢。謂之爲律詩。由是而後。文體之變極焉。

京兆杜確云。自古文體變易多矣。梁簡文帝及庾肩吾之屬。始爲輕浮綺靡之辭。名曰宮體。厥後沿襲。務於妖艷。謂之摘錦布繡焉。其有

是亦風氣使然
其山際論

欲敦尚風格。頗有規正者。不復爲當時所重。
諷諫比興。由是廢缺。物極則變。理之常也。聖
唐受命。斷彫爲朴。開元之際。王綱復舉。淺薄
之風。茲焉漸革。其時作者。凡十數輩。頗能以
雅參麗。以古雜今。彬彬焉。粲粲焉。近建安之
遺範矣。

盧陵歐陽修云。唐之晚年。詩人無復李杜豪放
之格。然亦務以精意相高。

宋輩清遠雅
一為初唐冠冕
可教

河南宋祁云唐興詩人承陳隋風流浮靡相矜
至宋之間沈佺期等研揣聲音浮切不差而
號律詩

蔡寬夫詩話云唐自景雲以前詩人猶習齊梁
之氣不除故態率以纖巧爲工開元後格律
一變遂超然度越前古

李希聲詩話云唐人作詩正以風調高古爲主
雖意遠語疎皆爲佳作後人有切近的當氣

向謂微言已絕
今乃復聞于斯

格凡下者終使人可憎

雪浪齋日記云前輩云建安纔六七子。開元數
兩三人。前輩所取其難如此。余嘗與能詩者
論書止於晉。而詩止於唐。蓋唐自大曆以來。
詩人無不可觀者。特晚唐氣象衰蘄耳。

洪邃云唐人以絕句名家者多矣。其詞華而艷
其氣深而長。錦繡其言。金石其聲。讀之使人
一唱而三嘆。

此是詩家莊語
學詩者不可不
服膺

滄浪嚴羽云夫學詩者以識爲主入門須正立志須高以漢魏晉盛唐爲師不作開元天寶以下人物若自退屈卽有下劣詩魔入其肺腑之間由立志之不高也行有未至可加工力路頭一差愈驚愈遠由入門之不正也

又云宋朝坡谷諸公之詩如米元章之字雖筆力勁健終有子路事夫子時氣象盛唐諸公之詩如顏魯公書旣筆力雄壯又氣象渾厚

見他明道一柱
實微

諸侯其可謂明
此人

其不同如此

又云詩有詞理意興。南朝人尚詞而病於理。本朝人尚理而病於意興。唐人尚意興而理在其中。

又云或問唐詩何以勝我朝。唐以詩取士。故多專門之學。我朝之詩所不及也。

又云唐人與本朝人詩。未論工拙。直是氣象不同。

又云唐人好詩多是征戍遷謫行旅離別之作
往往能感動激發人意

又云盛唐人有似寵而非寵處。有似拙而非拙
處。

又云大曆之詩高者尚未失盛唐下者漸入晚
唐矣

又云五言絕句衆唐人是一樣。少陵是一樣。韓
退之是一樣。

八仍與永溫之
五和發明

汶陽周伯弼云絕句之法以第三句爲主首尾
率直而無婉曲者此異時所以不及唐也
浚儀馬伯庸云枕籍騷選死生李杜矣

清江范梈云余嘗觀於風騷以降漢魏下至六
朝弊矣唐初陳子昂輩乘一時元氣之會卓
然起而振之開元大曆之音由是不變至晚
宋又極矣

蜀郡虞集云詩之爲學盛於漢魏者三曹七子

語按龍脉雖未
觀三山使人一
杜有岐雲竟

至於諸謝備矣。唐人諸體之作。與代終始。而
李杜爲正宗。

又云詩者斯人情性之所發。自繫壤來。有自然
體製。隨世道升降。音節因風土變遷。以近代
言。唐詩不與宋詩同。晚唐難與盛唐匹。

豫章僧來復云。詩自刪後。至于兩漢。正音猶完。
建安以來。寢尚綺麗。而詩道微矣。魏晉作者
雖優。不能兼備諸體。其鏗錡軒昂。上追風雅。

所謂集大成者。惟唐有以振之。降是無足采焉。

唐詩選附錄

統論下

高廷禮曰詩自三百篇以降漢魏質過於文六朝華浮於實得二者之中備風人之體惟唐詩爲然然以世次不同故其所作亦異畧而言之則有初唐盛唐中唐晚唐之不同詳而分之貞觀永徽之時虞魏諸公稍離舊習王楊盧駱因加美麗劉希夷有閨帷之作上官

許次訪人頗竊
其說

儀有婉媚之體。此初唐之始製也。神龍以還。
洎開元初。陳子昂古風雅正。李巨山文章宿
老。沈宋之新聲。蘇張之大手筆。此初唐之漸
盛也。開元天寶間。則有李翰林之飄逸。杜工
部之沉鬱。孟襄陽之清雅。王右丞之精緻。儲
光羲之真率。王昌齡之聲俊。高適岑參之悲
壯。李頎常建之超凡。此盛唐之盛者也。大曆
貞元中。則有韋蘇州之雅澹。劉隨州之閒曠。

風氣所至以漸
而降究克晚唐
諸家點自有不
可到處諸詩者
所當知也

錢郎之清贍。皇甫之沖秀。秦公緒之山林。李
從一之臺閣。此中唐之再盛也。下暨元和之
際。則有柳愚溪之超然復古。韓昌黎之博大
其詞。張王樂府得其故實。元白序事務在分
明。與夫李賀盧仝之鬼怪。孟郊賈島之饑寒。
此晚唐之變也。降而開成以後。則有杜牧之
之豪縱。溫飛卿之綺靡。李義山之隱僻。許用
晦之偶對。他若劉滄馬戴李頻李羣玉輩。尚

知此可以論詩
以此可以作詩

能黽勉氣格將邁時流。此晚唐變態之極。而遺風餘韻猶有存者。是皆名家擅場馳騁當世。或稱才子。或推詩豪。或謂五言長城。或爲律詩龜鑑。或號詩人冠冕。或尊海內文宗。靡不有精粗邪正長短高下之不同。學者須要識得。何者爲初唐。何者爲盛唐。何者爲中唐。爲晚唐。又何者爲王楊盧駱。又何者爲沈宋。又何者爲陳拾遺。又何爲李杜。又何爲孟爲。

才子抱胎之味
今古皆賦詩如
于美右丞取詩
如唐代尚用如
此

儲爲二王爲高岑爲常劉韋柳爲韓李張王
元白郊島之製辯盡諸家剖析毫芒方是作
者。

李本寧曰譚者曰唐以詩進士童而習之故盛
士以詩應舉追趨逐嗜故衰少陵宗工曾不
得一第右丞雜伶人而奏技主家于詩品何
損也貞觀開元二帝以豪爽典則先天下詩
宜盛而最闇弱者中宗能大振雅道旣德文

兩朝不及中晚人才樸。邀詩宜衰。彼元白錢
劉柳州姑無論。昌黎望若山斗。猶且服膺工
部供奉而避其光。餒何也。古者上自人主下
自學士大夫以及細民。莫不爲詩。而詩盛衰
之機在上。後世細民不知。詩人主罕言。詩僅
學士大夫私其緒。而詩盛衰之機在下。長慶
西崑玉臺能爲體。以自標異。而無能使人盡
爲其體。少陵詩盛行。迺在革命之代。其轉移

歷叙唐不如古
處明快

化導之力。詎足望人主乎。則唐與古殊矣。樂
八音皆詩。詩三百皆樂。唐人樂府已非漢魏
六朝之舊。自郊廟而外。時采五七言絕句長
篇中雋語。被絃管而歌之。代不數人。人不數
章。則唐與古殊矣。六朝以上。惟樂府選詩。眉
目小別。大致固同。至唐而益以律絕歌行諸
體。夔不相侔。夫一家之言。易工。而衆妙之門
難兼。則唐與古殊矣。先王辨論官才。勸懲燮

惡于詩焉資其極。至于饗神祇而若鳥獸善作者莫如周公。董董可數。他皆太史所采。稍爲潤色。春秋列國卿大夫稱詩觀志。大抵述舊而唐一人之詩。常數倍于三百篇。一切慶弔問遺。遂以充筐篚。餽牽用愈濫。而趨愈下。則唐與古殊矣。三百篇刪自仲尼。材高而不炫竒。學富而不務華。漢魏近古。十肖二。三六朝厭爲卑近。而求勝於字與句。然其材相萬。

唐人欲反六朝
之弊然六朝之
倚麗稍減而誕
巧于虛求工于
意則刻畫尤甚

矣。故博而傷雅。巧而傷質。唐人監六朝之弊。而剴濯其字句。以當於溫柔敦厚之旨。然其學相萬矣。故變而不化。近而易窺。要其盛衰。可略而言。律體情勝則俚。才勝則離。法嚴而韻諧。意貫而語秀。初盛奪千古之幟。後無來者。絕句不必長才。而可以情勝。初盛饒爲之。中晚固無讓也。歌行伸縮由人。卽才情俱勝。俱不失體。中晚人議論多而錐琢疎。故無取。

焉。初盛諸子啜六朝餘瀝爲古選不足論。子昂應物復失之形迹之內。李杜一二大家故自濯濯。要之不越唐調。不敢目以漢魏。況三百乎。漢魏六朝迥變其體爲唐而唐體迄于今自如。後唐而詩衰莫如宋有出于中晚之下。後唐而詩盛莫如明無加于初盛之上。譬之水三百篇崑崙也。漢魏六朝龍門積石也。唐則溟渤尾閭矣。將安所取益乎。不佞竊謂

以真不待之言
今之詩人大率
以此自誇真面
究竟何處著
得至有拾其一
一條嚼者然此
事痛快則更可
即也

司出唐入妙處
十載而下一洗
助聲者說能

今之詩不患不學唐而患學之太過卽事對
物情與景合而有言幹之以風骨文之以丹
彩唐詩如是止爾事物情景必求唐人所未
道者而稱之弔詭蒐隱誇新示異過也山林
宴遊則興寄清遠朝饗侍從則制存莊麗邊
塞征伐則棲惋悲壯暌離患難則沈痛感慨
緣機觸變各適其宜唐人之妙以此今懼其
格之卑也而徧求之於棲惋悲壯沈痛感慨

過也。律體出而才下者沿襲爲應酬之具。才偏者馳騁爲誇詡之資。而選古幾廢矣。好大者復諱其短。強其所未至。而務收各家之長。撮諸體之勝。攬擷多而精華少。摹擬勤而本真漓。是皆不善學唐者也。

殷璠曰。夫文有神來氣來情來。有雅體野體鄙體俗體。如曹劉詩多直語。少切對。或五字竝仄。或十字俱平。而逸駕終存。然挈瓶膚受之。

流責古人不辯宮商徵羽詞句質素耻相師
範於是攻異端妄穿鑿理則不足言常有餘
都無興象但貴輕豔雖滿篋笥將何用之自
蕭氏以還尤增矯飾武德初微波尚在貞觀
末標格漸高景雲中頗通遠調開元十五年
後聲律風骨始備矣

嚴儀卿曰禪家者流乘有小大宗有南北道有
邪正學者須從最上乘具正法眼悟第一義

若小乘禪聲聞辟支果皆非正也。論詩如論禪。漢魏晉與盛唐之詩則第一義也。大曆以還之詩則小乘禪也。已落第二義矣。晚唐之詩則聲聞辟支果也。大抵禪道惟在妙悟。詩道亦在妙悟。惟悟乃爲當行。乃爲本色。然悟有淺深有分。限有透徹之悟。有但得一知半解之悟。漢魏尚矣。不假悟也。謝靈運至盛唐諸公透徹之悟也。他雖有悟者。皆非第一義。

也夫詩有別材非關書也詩有別趣非關理也然非多讀書多窮理則不能極其至所謂不涉理路不落言筌者上也詩者吟詠性情也盛唐諸人惟在興趣羚羊挂角無迹可求故其妙處透徹玲瓏不可湊泊如空中之音相中之色水中之月鏡中之象言有盡而意無窮。

唐人命題言語亦自不同。雜古人之集而觀

之不必見詩。望其題引而知其爲唐人。今人矣。

盛唐人詩亦有一二濫觴。晚唐者。晚唐人詩亦有一二可入盛唐者。要當論其大槩耳。

律詩難於古詩。絕句難於八句。七言律詩難於五言律詩。五言絕句難於七言絕句。

劉會孟曰。絕句難作。要一句一絕。短語長事。愈讀愈有味。爲正。

范德機曰絕句者截句也。後兩句對是截律詩前四句。前兩句對是截律詩後四句。四句皆對是截律詩中四句。皆不對者。是截律詩之首尾。是雖正變不齊。而首尾布置。亦由四句爲起承轉合。未嘗不同條而共貫也。

起承轉合四字施之絕句則可。施之於律則未盡然。如遊何將軍山林十首。第一首是起。第十首是合。中間八首是反復賦其山林之

盛易而置之便不可。後五詩亦然。前後出塞之類。則無不然矣。有一題而二首。則前者不可置後。蓋起句在前。首而合句在後。首故也。惟秦州雜詩及秋興八首。又咏懷古跡五首之類。每詩各指一事。則一首中自備首尾。夫作經義文論之法。惟大講爲實。故昔人作論。謂之論腹。作詩亦然。何獨第二聯爲承。第三聯爲轉耶。泥此則非律詩之法度矣。

長篇古體參差中出整齊語猶是筆力最戒。似對非對但涉江湖熱鬧語便卽鄙俗但用通用字無法卽軟弱軟弱易療鄙俗難醫。作詩不可使一字無用須是字字少不得又不可使一字不佳須是字字穩當又不可使一字無來歷字字要有出處要無鄙俗。

楊仲弘曰詩當取材於選效法於唐

詩要鋪敘正波瀾濶用意深琢句雅使字當

下字響。

詩不可鑿空強作。待境而生。自工。

詩要首尾相應。多見人中間一聯。儘有奇拙。全篇湊合。如出二手。便不家數。此一句一字。必須着意聯合也。

詩中用事。僻事實用。熟事虛用。說理要簡易。說意要圓活。說景要微妙。譏人不可露。使人
人所亦道。不覺。

人所多言。我寡言之。人所難言。我易言之。則自不俗。

詩要鍊字。字者眼也。如老杜詩。飛星過水白。落月動簷虛。鍊中間一字。地。折江帆隱。天晴木葉閒。鍊末後一字。紅入桃花嫩。青歸柳色新。鍊第二字。非鍊歸入字。則是兒童詩。又曰。暝色赴春愁。又曰。無因覺來往。非鍊赴覺字。便是俗詩。如劉滄詩云。香銷南國美人盡。怨。

入東風芳草多。是鍊銷入字。殘柳宮前空露
葉。夕陽川上浩烟波。是鍊空浩二字。最是妙
處。

長律妙在鋪敘。時將一聯挑轉。又平平說去。
如此轉換數匝。却將數語收拾妙矣。

五言短古。只是選詩結尾四句。所以含蓄無
限。意自然悠長。

七言律難於五言律。七言下字較艱實。五言

下字較細嫩。七言若可截作五言。便不成詩。須字字去不得。方是。所以句要藏。字字要藏。意如聯珠不斷。方妙。

絕句之法。要婉曲回環。刪蕪就簡。句絕而意不絕。多以第三句爲主。而第四句發之。有實接。有虛接。承接之間。開與合相關。反與正相依。順與逆相應。一呼一吸。宮商自諧。大抵起承二句固難。然不過平直敘起爲佳。從容承

之爲是。至如宛轉變化。工夫全在第三句。若於此轉變得好。則第四句如順流之舟矣。

馬伯庸曰。四方偏氣之語。不相通曉。惟中原漢音。四方可以通行。蓋中原天地之中。得氣之正。聲音散佈。各能相入。是以詩中宜用中原之韻。則便宮樣。不凡押韻。不可用啞韻。如五支二十四鹽啞韻也。

皇甫子循曰。詩苟音律欠諧。終非妙境。故無取。

詩為字句公工
不妨竟棄之卒
空同作詩每章
稍有不要辭棄
去假有極佳句
亦置之曰自家
物終久還未是
亦作詩者之苦
心也

拘體也

語欲妥貼。故字必推敲。蓋一字之瑕。足以爲玷。片語之類。弁弃其餘。此劉生所謂改章難於造篇。易字難於代句者也。

皎然論詩有三偷。謂語意勢也。若陳后主日月光天德。出於傅長虞。沈佺期高樹早涼歸。出於柳文暢。王昌齡手持雙鯉魚。目下千里鴈。出於嵇中散。然辭相發明。語或闇合。子美

湛湛長江去。同於湛湛長江水。江平不肯流。
同於潮平似不流。此類蓋多矣。

何元朗曰。唐初雖相沿陳隋委靡之習。然其力
已自勁挺。蓋當興王之代。則振迅激昂。機
已動。雖諸公亦不自知也。孰謂文章不關於
氣運哉。

三儉之中。儉語最爲鈍賊。如蕭何定漢律令。
厥罪不書。應爲擯矣。務在匡佐。不暇采詩。致

使弱手無才。公行剗剗。若許貧道片言可折。此輩無處逃刑。其次偷意。事雖可罔。情不可原。若欲一例平反。詩教何設。其次偷勢。才巧意精。若無朕迹。蓋詩人閭域之中。偷狐白裘之手。吾亦賞俊。從其漏網。

詩式云其作用也。放意須儉。定句須難。雖取由我衷而得。若意表又曰。詩有二要。要力全而不苦澁。要氣足而不怒張。此語皆切中詩

家肯繁古今論詩無有能出其右

謝茂秦曰詩有可解不可解不必解若水月鏡花勿泥其迹可也。

用事多則流於議論子美雖爲詩史氣格自高

作詩譬諸用兵慎敵則勝命題雖易不可率然下筆至於渾化無施不可

七言絕句盛唐諸公用韻最嚴大曆以下稍

有旁出者作者當以盛唐爲法盛唐人突然而起以韻爲主意到辭工不假雕飾或命意得句以韻發端渾成無迹此其所以爲盛唐也

宋人專重轉合刻意精鍊或難於起句借用旁韻牽強成章此所以爲宋也

長篇之法如波濤初作一層緊於一層拙句不失大體巧句最害正氣

詩有格有韻。淵明悠然見南山之句。格高也。康樂池塘生春草之句。韻勝也。格高似梅花。韻勝似海棠。欲韻勝者易。欲格高者難。兼此二者。孟浩然得之。

長篇古風。最忌鋪敘。意不可盡。力不可竭。貴有變化之妙。

氣格高雖的對。不害爲大家。氣格卑雖不拘對偶。亦是小家。

詩有四格。曰興。曰趣。曰意。曰理。太白贈汪綸曰。桃花潭水深千尺。不及汪綸送我情。此興也。陸龜蒙詠白蓮曰。無情有恨何人見。月曉風清欲墮時。此趣也。王建宮詞曰。自是桃花貪結子。錯教人恨五更風。此意也。李涉上于襄陽曰。下馬獨來尋故事。逢人惟說峴山碑。此理也。悟者得之。庸心以求。或失之矣。盛唐人以漢魏之氣爲主。以六朝之辭爲輔。

晚唐人專以六朝爲主。所以造就有差等。五言律首句用韻宜突然而起。勢不可遏。若子美落日在簾鉤是也。若許渾天晚日沉沉。便無力矣。造句易得趣難。非深於詩者不能也。

空同子曰古詩妙在形容。所謂水月鏡花。言外之言。宋以後則直陳之矣。求工於句字。心勞而目拙也。枚氏七發非必於七也。文渙而

成七。後之作者無七而必於七。然皆俳語也。杜甫見道過韓愈如白小羣分命文章有神。交有道隨風潛入夜水流心不競出門流水。住等語皆是道也。王維詩高者似禪卑者似僧。奉佛之應人心係則難脫。

王元美曰。盧駱王楊號稱四傑。詞旨華靡。固沿陳隋之遺。骨氣翩翩。意象老境。超然勝之。五言遂爲律家正始。

五言至沈宋始可稱律。律爲音律法律天下
無嚴於是者。知虛實平仄不得任情而度明
矣。二君正是敵手。摩詰似之。而才小不逮。少
陵強力宏蓄。開闔排蕩。然不無利鈍。餘子紛
紛未易悉數也。

沈詹事七言律高華。勝於宋員外。宋雖微少
亦見一班。歌行覺自陡健。

杜審言華藻整栗。小讓沈宋。而氣度高逸。神

情圓暢。自是中興之祖。宜其矜率乃爾。

陳正字陶洗六朝鉛華都盡。托寄大阮。微加斷裁。而天韻不及。律體時時入古。亦是矯枉之過。

李于鱗評詩。少見筆札。獨選唐詩序云云。余謂七言絕句。王江陵與太白爭勝毫釐。俱是神品。而于鱗不及之。王維李頎。雖極風雅之致。而調不甚響。子美固不無利鈍。終是上武。

庫此公地位乃爾。獻吉當於何處生活。其微意所鍾。余蓋知之。不欲盡言也。

李杜光燄。千古人人知之。滄溟並極推尊。而不能致辨。元微之獨重子美。宋人以爲談柄。近時楊用修爲李左袒。輕俊之士。往往傳耳。要其所得。俱影響之間。五言古選體。及七言歌行。太白以氣爲主。以自然爲宗。以俊逸高。鬯爲賢。子美以意爲主。以獨造爲宗。以奇拔。

沉雄爲貴。其歌行之妙。咏之使人飄揚欲仙者。太白也。使人慷慨激烈。歔歔欲絕者。子美也。選體太白多露語。率語。子美多穉語。累語。置之陶謝間。便覺儉父面目。乃欲使之奪曹氏父子位耶。五言律。七言歌行。子美神矣。七言律。聖矣。五言絕。太白神矣。七言歌行。聖矣。五言次之。太白之七言律。子美之七言絕。皆變體。間爲之可耳。不足多法也。

十首以前少陵較難入。百首以後青蓮較易。
厭揚之則高華。抑之則沉實。有色。有聲。有氣。
有骨。有味。有態。濃淡深淺。奇正開闔。各極其
則。吾不能不伏膺少陵。

高岑一時不易上下。岑氣骨不如達夫邁上。
而婉縟過之。選體時時入古。岑尤陟健。歌行
磊落奇俊。高一起一伏。取是而已。尤爲正宗。
五言近體。高岑俱不能佳。七言岑稍濃厚。

摩詰才勝浩然。由工入微。不犯痕跡。所以爲佳。間有失點檢者。雖不妨白璧。能無少損。連城觀者。須畧玄黃。取其神檢。孟造思極苦。旣成。乃得超然之致。皮生擷其佳句。眞足配古人。第其句不能出五字外。篇不能出四十字外。此其所短也。

青蓮擬古樂府。以已意已才發之。尚沿六朝舊習。不如少陵以時事創新題也。少陵自是

卓識惜不盡得本來面目耳。

謝氏俳之始也陳及初唐俳之盛也盛唐俳之極也六朝不盡俳乃不自然盛唐俳殊自然未可以時代優劣也

七言絕句盛唐主氣氣完而意不盡工中晚唐主意意工而氣不甚完然各有至者未可以時代優劣也

盛唐七言律老杜外王維李頎岑參耳李有

風調而不甚麗。岑才甚麗而情不足。王差備美。

六朝之末。衰颯甚矣。然其偶儷頗切音響。稍諧一變。而雄遂爲唐始。再加整栗。便成沈宋。人知沈宋律家正宗。不知其權輿于三謝。橐鑰于陳隋也。

太白不成語者少。老杜不成語者多。如無食無兒。舉家聞若欬之類。凡看二公詩。不必病。

其累句。不必曲爲之護。正使瑕瑜不掩。亦是大家。

楊用修駁宋人詩史之說而譏少陵云。詩刺淫亂。則曰離離鳴鴈。旭日始旦。不必曰慎莫近前。承相喚也。憫流民。則曰鴻鴈于飛。哀鳴嗷嗷。不必曰千家。今有百家存也。傷暴斂。則曰維南有箕。載翕其舌。不必曰哀哀寡婦。誅求盡也。敘饑荒。則曰牂羊羶首。三星在罍。不

必曰但有牙齒存所堪骨髓乾也其言甚辯而覈然不知嚮所稱皆與比耳詩固有賦以述情切事爲快不盡含蓄也語荒而曰周餘黎民靡有孑遺勸樂而曰宛其死矣他人入室譏失儀而曰人而無禮胡不遄死怨讒而曰豺虎不受投畀有昊若使出少陵口不知用修何如貶剝也且慎莫近前承相嗔樂府雅語用修烏足知之

岑參李益詩語不多而結法撰意雷同者幾半始信少陵如韓淮陰多多益辨耳

唐自貞元以後藩鎮富強兼所辟召能致通顯一時遊客詞人往往挾其所能或行卷贊通或上章陳頌大者以希拔用小者以冀濡沫而干旄之吏多不能分別黑白隨意支應故剽竊雲擾諂諛泉湧取辦俄頃以爲捷使事餽飭以爲工至於貢舉本號詞塲而牽壓

俗格阿趨時好上第巍我多是將相私人座
主密舊甚乃津私禁嚮自比優伶關節倖璫
身爲軍吏下第之後尚爾乞憐主司冀其復
進是以性情之真境爲名利之鉤途詩道日
卑寧非其故

王敬美曰今人作詩必入故事有持清虛之說
者謂盛唐詩卽景造意何嘗有此是則然矣
然亦一家言未盡古今之變也古詩兩漢以

來曹子建出而始爲宏肆。多生情態。此一變也。自此作者多入史語。然不能入經語。謝靈運出而易辭。莊語無所不爲用矣。剪裁之妙。千古爲宗。又一變也。中間何庾加工。沈宋增麗。而變態未極。七言猶以閒雅爲致。杜子美出而百家稗官。都作雅音。馬渚牛溲。咸成鬱致。於是詩之變極矣。子美之後而欲令人毀靚粧。張空拳以當市肆萬人之觀。必不能也。

其援引不得不日加而繁然病不在故事顧所以用之如何耳。善使故事者勿爲故事所使。如禪家云轉法華勿爲法華轉。使事之妙在有而若無。實而若虛。可意悟不可言傳。可力學得不可倉卒得也。

作古詩先須辨體。無論兩漢難至苦心模倣。時隔一塵卽爲建安。不可墮落六朝一語爲三謝。縱極排麗不可雜入唐音。小詩欲作王

韋長篇欲作老杜便應全用其體第不可羊質虎皮。虎頭蛇尾。詞曲家非當家本色。雖麗語博學無用。況此道乎。

唐律由初而盛由盛而中由中而晚時代聲調故自必不可同然亦有初而逗盛盛而逗中中而逗晚者何則逗者變之漸也非逗故無繇變如四詩之有變風變雅便是離騷遠祖。子美七言律之有拘體其猶變風變雅乎。

少陵故多變態。其詩有深句。有雄句。有老句。有秀句。有麗句。有險句。有拙句。有累句。後世別爲大家。特高於盛唐者。以其有深句。雄句。老句也。而終不失爲盛唐者。以其有秀句。麗句也。輕淺子弟。往往有薄之者。則以其有險句。拙句。累句也。不知其愈險。愈老。正是此老。獨得處。故不足難之。獨拙累之句。吾不能爲掩瑕。雖然。更千百世無能勝之者。何要曰無。

露句耳。其意何嘗不自高自任。然其詩曰。文章千古事。得失寸心知。曰新詩句句好。應任老夫傳。溫然其辭而隱然言外。何嘗有所謂吾道主盟代興哉。自少陵逗漏此趣。而大智大力者發揮畢盡。至使吠聲之徒。羣肆搏剝。遐哉唐音。永不可復。噫。嘻。慎之。

律詩句有必不可入古者。古詩字有必不可爲律者。然不多熟古詩。未有能以律詩高天。

麟在本朝固
一代詩人若
如學詩則又不
如學盛唐則
不如直追前
人敦美又何以
直喙耶

下者也。初學輩不知苦辣，往往謂五言古詩易就，率爾成篇，因自託好古，薄後世律，不爲不知律，尚不工，豈能工古，徒爲兩失而已。

李于鱗七言律，俊潔響亮，余兄極推轂之。海內爲詩者，爭事剽竊，紛紛刻鵠，至使人厭余。謂學于鱗不如學老杜，學老杜尚不如學盛唐。何者？老杜結構自爲一家，言盛唐散漫無宗，人各自以意象聲響得之，政如韓柳之文。

何有不從左史來者彼學而成爲韓爲柳吾
却又從韓柳學便落一塵矣輕薄子遽笑韓
柳非古與夫一字一語必步趨二家者皆非
也

今人作詩多從中對聯起往往得聯多而韻
不協勢既不能易韻以就我又忍以長物
棄之因就一題衍爲衆律然聯雖旁出意盡
聯中而起結之意每苦無餘於是別生支節

而傳會或卽一意以支吾掣衿露肘浩博之士猶然架屋疊牀貧儉之才彌窘所以秋興八首寥寥難繼不其然乎每每思之未得其解忽悟少陵諸作多有漫興詩於篇中取題意興不屬豈非柏梁之餘材。擲爲別館武昌之剩竹。貯作船釘。英雄欺人。頗窺伎倆。有識之士。能無取裁。

晚唐詩萎薺無足言獨七言絕句膾炙人口

其○妙○至○欲○勝○盛○唐○愚○謂○絕○句○覺○妙○正○是○晚○唐○
未○妙○處○其○勝○盛○唐○乃○其○所○以○不○及○盛○唐○也○絕○
句○之○源○出○於○樂○府○貴○有○風○人○之○致○其○聲○可○歌○
其○趣○在○有○意○無○意○之○間○使○人○莫○可○捉○着○盛○唐○
惟○青○蓮○龍○標○二○家○詣○極○李○更○自○然○故○居○王○上○
晚○唐○快○心○露○骨○便○非○本○色○議○論○高○處○逗○宋○詩○
之○徑○聲○調○卑○處○開○大○石○之○門○
今○世○五○尺○之○童○纔○拈○聲○律○便○能○薄○棄○晚○唐○自○

傳初盛。有稱大曆而下。色便赧然。然使誦其
詩。果爲初邪。盛邪。中邪。晚邪。大都取法固當
上宗。論詩亦莫輕道。詩必自運而後可以辨
體。詩必成家而後可以言格。晚唐詩人如溫
庭筠之才。許渾之致。見豈五尺之童下。直風
會使然耳。覽者悲其衰運可也。故予謂今之
作者。但須真才實學。本性求情。且莫理論格
調。

每一題到茫然思不相屬。幾謂無措。沉思久之。如瓴水去室。亂絲抽緒。種種縱橫。全集却於此時。要下剪裁手段。寧割愛勿貪多。又如數萬健兒。人各自爲一營。非得大將軍方略。不能整頓攝服。使一軍無譁。若爾朱榮處貼葛榮百萬衆求之。詩家誰當爲比。

詩不在體。顧取諸情性。何如耳。不惟情性之求。而但以新聲取異。安知今日不經人道語。

初刻之語切中
門家弊病詩人
下力正自隔此

不爲異日陳陳之粟乎嗚呼才難豈惟才難
識亦不易。

作詩道一淺字不得改道一深字又不得其
妙正在不深不淺有意無意之間

嘗謂作詩者初命一題神情不屬便有一種
供給應付之語畏難怯思卽以充役故每不
得佳。余戲謂河下與隸須驅遣另換正身能
破此一關沉思忽至種種真相見矣。